

小爾雅疏證上



小爾雅

證

道光己亥 蔡

于歛學署

阮序

直齋書錄解題小爾雅三卷漢志有此書亦不著名氏唐

志有李軌解一卷今館閣書目云孔鮒撰蓋卽孔叢子弟

十一篇也曰廣詁廣言廣訓廣義廣名廣服廣器廣物廣

鳥廣獸凡十章又廣度量衡爲十三章當時好事者鈔出

別行又李濂孔叢敘嘉祐中宋咸嘗爲之注矣李軌之書

自宋南渡後卽不傳宋咸所注甚簡略吳師道國策補注

所引有出今本外者則其爲後人刪節久矣攷漢志其書

入於孝經家而不從小學之列可知其來已古曩元編輯

經籍纂詁亦曾采及其書頗以無箋疑本爲歛今致仕歸

竊見葛君鍊生所著延證四卷并其友壻王君研雲所掇叔之佚文一卷埒延篇末共五卷廣徵博引粲然畢具近年吳門宋氏有訓纂五卷離析廣服廣器爲卷四廣物已下爲卷五與此小異後埒佚文屢數條未經箋釋且間與正文重出不逮此書之詳備精審葛君爲吾郡邵子顯學師受業姊聳學師以是書索敘因書此以應

道光二十年春揚州節性齋老人阮元序時年七十有七

自序

自倉頡制造文字黃帝因之以成命百物聲音訓詁之原肇始萌芽厥後爾雅作於姬公九流津涉六藝鈐鍵依類敷言雜而不越馘馘乎文章爲大備己亞斯之代揚雄著方言劉熙纂釋名張揖成廣雅皆以羽翼雅訓補所未及若小爾雅亦其一也小爾雅者今孔叢子弟十一篇孔叢之書不見于漢唐藝文志意其爲後人僞托而小爾雅一篇漢志列孝經家則其書本出先秦固非鄉壁虛造者比循習既久眞僞易淆缶二謂鍾則齊量之新舊不分四尺謂仞則攷工之澮洫同制其他援引或滋傳訛疑皆魏晉

以後俗師坻益以自申其說如爾雅瑟兮憫兮之美衛武
猗嗟名兮之刺魯莊非定出元聖之手要未可以小疵而
議其全體也

聖朝崇尚儒風經術振起闕達俊哲之彥靡不參稽古訓
綜究雅言是編篇次雖約而義據宏深傳授近古而名物
條貫則亦小學不可少之書而通經之士必于焉取證者
不揆禱昧爲之博采傳注旁及羣籍審其義趣明其指歸
或有未寤姑從闕如懼穿鑿也今世所傳之本雜臚歧出
擇善而從不拘一例更有訛舛特甚而見于他書所引据
者急爲訂正按義類以舉隅資聞見之一得庶幾其有合

與友壻王君寶仁孳覃雅故相與商析疑誼反覆鈎稽良
多啟悟王君又復薈萃各本攷異同拾墜遺因并爲之證
坻于篇尾至舊志所載李軌解今不傳宋注漏略已甚亦
不復存云時甲戌長至後二日嘉定葛其仁元肫甫記

是書成二十餘年舟車南北恆用自隨偶有所得應時
改定然終未敢自信頃因檢理篋衍出示同學咸從臾
付梓勉出所業就正有道享帚之誚知不免矣道光己
亥九月朔其仁并記

夫大凡疏證之類，其體裁不一，或如注疏，或如考索，或如校勘，或如輯錄，其法各異，其理亦殊。然其要則一，即於文字之微，而求其義之遠。此疏證之所以為疏證也。夫文字之微，非徒指其形聲之類，而求其義之遠，亦指其義之類，而求其形聲之微。此疏證之所以為疏證也。夫文字之微，非徒指其形聲之類，而求其義之遠，亦指其義之類，而求其形聲之微。此疏證之所以為疏證也。

小爾雅疏證卷一

嘉定葛其仁學

廣詁一

許慎說文解字曰詁訓故言也詁故通漢書藝文志書有大小夏侯解故詩有魯故齊后氏故齊孫氏故韓故毛詩故訓傳亦與古通詩烝民古訓是式鄭箋云古訓先王之遺典也案爾雅有釋詁篇此云廣者廣爾雅所未備凡爾雅所載此篇不復見其有重出者疑為後人所竄入矣

淵懿邃曠深也

淵者詩燕燕其心塞淵毛傳淵深也爾雅釋天太歲在亥曰大淵獻孫炎曰淵深也大獻萬物於深懿者詩七月女執懿筐毛傳懿筐深筐也楚辭逢尤懿風后兮受瑞圖王逸注懿深也邃者說文邃深遠也禮記玉藻前

後邃延陸氏釋文邃深也通作隧攷工記輿人參分車廣去一以為隧鄭司農云隧謂車輿深也康成謂讀如邃宇之邃隤者後漢書順帝紀能探隤索隱者注隤幽深也案宇當作嘖說文無隤字易繫辭傳言天下之至隤京房許慎本皆作嘖荀子正名篇嘖然而不亂楊倞注嘖與隤同隤深也

封巨莫莽艾邠大也

封者詩烈文無封靡于爾邠毛傳封大也左昭二十八年傳謂之封豕杜注封大也巨者史記楚元王世家過巨嫂食索隱巨大也謂長嫂也淮南說山訓巨雖可而

長不足高誘注巨大也通作鉅禮記三年問創鉅者其日久釋文鉅大也莫者史記廉頗藺相如傳市租皆輸入莫府集解引如淳曰將軍征行無常處所在為治故言莫府莫大也案据此莫當為幕史記屈原賈生傳莫邠為頓集解引許慎曰莫邠大戟也則莫自有大義莽者呂覽知接篇何以為之莽莽也高誘注莽莽長大貌文選吳都賦相與騰蹕乎莽畧之野注莽畧廣大貌案一切經音義引通俗文水廣大謂之漭沆爾雅釋魚釋文引字林蟒大蛇也皆取莽為義是莽為大也艾者爾雅釋詁艾長也禮記曲禮五十曰艾注艾老也俱有大

義故宋咸舊注艾亦為久祁者詩吉日其祁孔有傳祁大也箋云祁當作麋案麋是獸之大者周禮大司馬注引鄭司農云五歲為慎康成謂慎讀為麋

頒賦鋪敷布也

頒者文選東京賦布教頒常薛注頒布也通作班周禮太宰匪頒之式鄭司農云頒讀為班布之班案說文頒大頭也从頁分聲一曰鬢也段借字賦者詩烝民明命使賦傳賦布也呂覽慎大篇賦鹿臺之錢淮南時則訓賦之犧牲注並訓布鋪者左宣十二年傳鋪時繹思注鋪布也敷者詩小旻敷于下土毛傳敷布也史記夏本

紀引禹貢篠蕩既敷作竹箭既布又晉世家引文侯之命敷聞在下作布聞在下

蓋戴燾蒙冒覆也

蓋者左莊三十二年傳能投蓋於稷門注蓋覆也孟子萬章篇謨蓋都君咸我績趙岐注蓋覆也戴者釋名戴載也載之於頭也故義為覆也燾經典通作幬禮記中庸無不覆幬注幬或作燾左襄二十九年傳如天之無不幬也史記吳世家作燾賈逵曰燾覆也又通敦周禮司几筵每敦一几注讀為燾覆也蒙者詩君子偕老蒙彼縗絺傳蒙覆也左襄十年傳蒙之甲以為櫓杜注同

一通蒙逸周書太子晉解若能蒙予孔晁注蒙覆也冒者易繫辭傳冒天下之道注冒覆也攷工記玉人天子執冒四寸注名玉曰冒者言德能覆冒天下也荀子注引尚書大傳逸語古之人衣上有冒而句領者注云冒覆項也

鐘崇府最積灌聚樸叢也

鐘通作鍾左昭二十一年傳器以鍾之注鍾聚也淮南天文訓音比黃鍾注鍾者聚也崇者左隱六年傳芟夷蘊崇之注崇聚也府者左昭十二年傳吾不爲怨府注言不能爲季氏逐小生怨禍之聚國策秦策此謂天府

高誘注府聚也最者鄭氏樂記濫以立會會以聚衆注濫之意猶擘聚也會猶聚也聚或爲最史記殷本紀大最樂戲于沙邱徐廣曰最一作聚管子禁藏篇冬收五藏最萬物注最聚也蓋古最聚通積者禮記儒行不祈多積注積積聚財物也漢書刑法志完者使守積注積積聚之物也案鍾崇府最傳注皆訓爲聚此釋爲叢者義得通轉也周南葛覃釋文叢俗作藂一本作最顏氏家訓書證篇江南詩古本皆爲藂聚之藂而古叢字似最字案此則聚藂二字本易譌混灌者爾雅釋木灌木叢木詩葛覃傳義同又木族生爲灌孫炎云族叢也夏

小正啓灌藍蓼傳灌也者藪生者也聚者呂覽達鬱篇而萬災叢聚矣注叢聚也轉相訓樸者爾雅釋木樸枹者注樸屬叢生者爲枹

閱搜履庀具也

閱者說文云具數於門中也徐鍇曰春秋大閱簡車馬也具數一一數之也搜通蒐左成十六年傳蒐乘補卒注蒐閱也閱訓具故搜亦訓具履義未詳疑當作展周禮充人展牲先鄭云展具也庀者周禮遂師庀其委積注庀具也左襄五年傳宰庀家器又二十五年傳子木使庀賦注皆訓具通作比周禮世婦比其具鄭司農比

讀爲庀庀具也

攻爲話相甸宰營匠治也

攻者周禮瘍醫以五毒攻之注攻治也左襄十五年傳使玉人爲之攻之注攻治也爲者左昭元年傳弗可爲也已又十八年大爲社注皆訓治話義未詳疑當作詰周禮大司馬詰禁注詰猶窮治也相者左昭九年傳火水妃也而楚所相也注相治也甸者廣雅釋詁甸治也穀梁桓十四年傳必有兼甸之事釋文甸一本作甸詩信南山維禹甸之傳甸治也甸一作甸故甸亦訓治宰者周禮太宰注治官之長公羊僖九年傳公會宰周公

注宰猶治也營者詩黍苗召伯營之箋云營治也匠者
說文云木工也从匚从斤斤所以作器也是有治義
蠲祓禋屑潔也

蠲者詩天保吉蠲爲饎傳蠲絜也古通圭韓詩吉圭惟
饎周禮蜡人注引之訓圭爲潔孟子滕文公篇必有圭
田趙注亦訓潔祓者周禮女巫掌四時祓除釁浴通作
弗詩生民以弗無子箋云弗之言祓也禋者說文云潔
祀也書疏引孫炎爾雅說絜敬之祭也左隱十一年傳
况能禋祀許乎注絜齊以享謂之禋通作湮尙書大傳
湮于六宗又通煙周禮大宗伯注禋之言煙義得相叶

也屑者詩谷風不我屑以又君子偕老不屑髡也傳皆
訓潔孟子盡心篇欲得不屑不潔之士注屑潔也
勿蔑微曼末沒無也

勿者詩東山勿士行枚箋勿無也儀禮少牢饋食禮勿
替引之鄭注勿猶無也蔑者說文云勞目無精也易剝
蔑貞凶釋文引馬注蔑無也微者詩式微傳微無也禮
記檀弓曾子曰微與注猶無也曼者揚子法言五百篇
病曼之也注曼無也又重黎篇聖人曼云注同又寡見
篇曼是爲也皆無之義末者禮記檀弓不忍一日末有
所歸也鄭注末無也公羊隱六年傳吾與鄭人末有成

也成十六年傳末言爾注並訓無沒者史記酷吏傳張湯始為小吏乾沒如淳曰得利為乾失利為沒隆巢岸峻高也

隆者爾雅釋山宛中隆注隆中央高國策齊策雖隆薛之城注崇高也史記高祖紀隆準應劭曰隆高也巢者說文云鳥在木上曰巢左成十六年傳楚子登巢車說文作轍云兵車高如巢以望敵也爾雅釋樂大笙謂之巢舍人云音聲衆而高也岸者爾雅釋邱望厓洒而高岸詩皇矣誕先登于岸傳岸高位也峻者左昭五年傳垂不峻注峻高也

逼尼附切局鄰傳戚近也

逼與偪同左隱十一年傳實偪處此又莊二十二年傳晉桓莊之族偪皆謂逼近尼者說文云從後近之爾雅即尼也郭璞訓尼為近引尸子悅尼而來遠通作昵釋名昵近也考工記注引杜子春日昵或為勑勑黏也附者淮南說林訓附耳之言注附近也呂覽貴直篇趙簡子攻衛附郭注附郭近郭也切者後漢書襄楷傳還切執法注切謂迫近也揚雄長楊賦請畧舉其凡而客自覽其切焉注引張晏云切近也局者說文云促也案魏文帝與吳質書塗路雖局守官有限鄰者詩正月洽比

其鄰傳鄰近也傳者考工記廬人重欲傳人鄭注傳近也戚者書金縢未可以戚我先王傳戚近也逸周書文酌解取戚免桔孔注戚近也通作儼廣雅儼近也

邵媚旨伐美也

邵者法言重黎篇賢者不足邵也注邵美也媚者說文說也从女眉聲案女之媼媚在眉詩有美一人清揚婉兮傳謂眉目之間婉然美也旨者詩谷風我有旨蓄傳旨美也伐者左莊二十八年傳且旌君伐注伐功也案此謂自美其功也

賢哀繁優饒夥多也

賢者說文多才也呂覽順民篇則賢於千里之地注賢猶多也哀者詩般哀時之對毛訓聚鄭訓眾皆有多義繁者詩正月繁霜傳繁多也優者詩信南山既優既渥釋文云說文作漫云澤多也淮南俶真訓小大優游注言饒多也饒者禮記曲禮不饒富注勿多於禮也夥說文作𦉳云齊謂多為𦉳方言凡物盛而多齊宋之郊謂之夥吳音謂多為夥問幾何曰幾夥史記陳涉世家夥頤涉之為王沈沈者楚人謂多為夥故天下傳之幾察模臬法也

幾與譏通禮記執禁以譏注譏察也又玉藻御瞽幾聲

之上下注幾猶察也故訓爲法蔡者書禹貢二百里蔡馬融曰蔡法也法王者刑法而已案字當作槃左昭元年傳周公殺管叔而蔡蔡叔注上蔡字音素葛反從殺下米模者說文云法也一切經音義引聲類模法之也臬者廣雅釋詁臬灋也考工記匠人注槩古文臬賈疏今之槩從木槩聲之省者也古之槩爲臬法字

爰換變貿交更易也

爰者左僖十五年傳作爰田服虔曰爰易也史記酷吏傳爰書蘇林曰爰易也以此書易其辭處本作超又通轅說文爰籀文以爲車轅字又超田易居也案漢書地

理志制轅田注引孟康曰轅爰同三年爰土易居古制也換者漢書敘傳項氏畔換孟康曰換易也變者周禮司燿四時變國火注變猶易也詩猗嗟四矢反兮釋文反韓詩作變變易貿者說文云易財也一切經音義引三蒼貿易也交者公羊宣十二年傳臣交易爲言交易連文更者禮記月令更皮幣注更猶易也

生造奏詣進也

生者說文云進也象艸木生出土也造者書盤庚其有衆咸造周禮大司寇以兩造禁民訟注造至也故爲進義奏者漢書司馬相如傳臨邛令前奏琴師古曰奏進

也詣者古以所至為詣文選洞簫賦注引蒼頡篇詣至也

索寒探哀鉤掠採畧也

案方言畧強取也左宣十五年傳以畧狄土是獲取之總名索者周禮方相氏以索室驅疫鄭注索度也離騷索薷茅以筵篲兮注索取也寒當為摯說文摯拔取也引楚辭朝摯批之木蘭案今本摯作拳拳又作撻方言撻取也探者漢書揚雄傳音義引字林探強取也哀者漢書食貨志贊易稱哀多益寡師古曰哀取也本作攄說文攄引取也引易攄多之攄鉤者荀子疆國篇勁魏

鉤吾右注鉤謂鉤取物也掠者左昭二十年傳輸掠其聚注掠奪取也採本當作采說文云埒取也

開徹接通達也

開者禮記樂記開而弗達注開謂發頭角正義曰但為學者開發大義頭角而已亦不事事使之通達案開達義有淺深而意相承也徹者左成十六年傳徹七札焉注一發達七札言其能陷堅昭二年傳徹命於執事注徹達也接之為達經傳無正文案儀禮鄉射禮兼挾四矢注云古文挾作接詩大明使不挾四方傳挾達也通者蔡邕石經尚書用克通殷今本通作達禮記儒行上

通而不困注仕道達於君也
固歷彌宿舊尚久也

固者禮記月令國多固疾注生不克性有久疾也國語
晉語臣固聞之注固久也案固與故通論衡引論語故
天縱之將聖史記魯世家引周語咨于固實故固本一
字歷者爾雅釋詁艾歷也注長者多更歷詩庭燎夜未
艾傳艾久也轉相訓彌說文作驪久長也周書諡法解
彌久也楚辭招魂順彌代些注彌久也宿者漢書徐樂
傳天下無宿憂師古曰宿久也舊者詩抑告爾舊止箋
云舊久也書無逸舊勞于外舊為小人史記皆作久尚

者呂覽古樂篇樂之所由來者尚矣注尚久也

彌愈滋彊益也

彌者儀禮士冠禮三加彌尊注彌猶益也愈者詩小明
政事愈盛箋云愈猶益也說文無愈字當作逾呂覽務
大篇此所以欲榮而逾辱也淮南原道篇火逾然而消
逾亟注皆訓益通作俞廣雅釋詁俞益也滋者左襄八
年傳事滋無成注滋益也通作茲漢書匈奴傳前世重
之茲甚師古曰茲益也彊者算法以有餘為彊

赫敦爽曉昕著讚曙明也

赫者孝經三才章引詩云赫赫師尹注赫赫明盛貌也

敦係傳寫之譌一切經音義二十四引小爾雅赫燁明也案方言暉明也廣雅暉明也書洪範曰驛鄭本作圉訓爲色澤光明皆可證爽者左昭元年傳茲心不爽注爽明也曉者淮南俶眞訓獨見曉焉注曉明也昕者說文云旦明日將出也孔穎達詩正義昕者明也日未出已名爲昕至日出益明著者禮記大傳名著而男女有別注著明也又樂記著不息者天也注著猶明白也讚者易說卦傳幽贊於神明釋文本或作讚韓康伯注贊明也書臯陶謨思日贊贊襄哉正義引鄭注贊明也言能贊明帝德曙者淮南天文訓曙於蒙谷之浦注曙明也

皆附襲就因也

皆係傳寫之譌文選南都賦高祖階其塗注引小正階因也曹植應詔詩黃坂是階王融策秀才文斯路何階注引並同附者孟子萬章篇附於諸侯曰附庸注因大國以名通襲者禮記中庸下襲水土注襲因也通作習書大禹謨卜不習吉疏引鄭表記注襲因也就者諸侯遷廟禮君就東廂西面祝就西廂東面盧辯曰因其便封畛際限疆略界也

封者周禮大司徒制其畿疆而溝封之注封起土界也

畛者文選張衡東京賦旆已回乎郊畛李善注引太元
 宋注畛界也際者左定十年傳屬與敝邑際漢書翼奉
 傳詩有五際應劭釋為陰陽終始交會之歲則際是交
 界也限者國策秦策南有巫山黔中之限廣雅亦云限
 界也疆者詩信南山我疆我理傳疆畫經界也周禮掌
 疆注疆界也通作畺周禮載師以大都之田任畺地注
 畺五百里王畿界也略者左莊二十一年傳王與之武
 公之略注略界也

承第班列次也

承者左昭十三年傳子產爭承注承貢賦之次國語晉
 語欒射為右以承公注承次也第者左哀十六年楚國
 第注用士之次第呂覽原亂篇亂必有弟高誘訓為次
 案第本當作弟說文弟韋束之次弟也班者儀禮既夕
 禮以其班附注班次也禮記曲禮班朝治軍注同列者
 禮記禮運故事可列也注列與作有次第文選張衡東
 京賦清道案列薛綜注列猶次也

戶俊格扈止也

戶者左宣十二年傳屈蕩戶之注戶止
今本左傳 漢書 戶作戶
 王嘉傳坐戶殿門失闌免師古曰戶止也引左氏傳為
 證俊者左隱六年傳長惡不俊注俊止也格者漢書梁

孝王傳太后議格集注引張晏曰格止也扈者左昭十七年傳扈民無淫者也注扈止也止民使不淫放

幽暄闇昧冥也

幽者春秋元命包幽之言窈也言風出入窈冥揚子太元經而幽其所以然者何也集解幽冥也暄者釋名暄翳也言掩翳日光使不明也詩終風且暄不日又暄傳引爾雅陰而風曰暄闇者禮記曲禮孝子不服闇注闇冥也公羊莊二十五年傳或曰爲闇注爲天闇冥案一切經音義卷一卷十七並引小爾雅幽暄暗昧冥也則字當作暗昧者易屯卦彖傳天造草昧注造物之始始

於冥昧故曰草昧也

最凡目質要也

最者漢書宣帝紀課殿最以聞注最凡要之首也又嚴助傳願奉三年計最注引晉灼曰最凡要也凡者一切經音義二十二引三蒼凡數之總名也公羊傳云一事而再見者先日而後凡也目者周禮箬人四曰巫目注目謂事衆筮其要所當也質者左文六年傳由質要注質要契券也

疆窮充竟也

疆者詩七月萬壽無疆傳疆竟也儀禮士冠禮黃耇無

疆鄭注同窮者漢書律厯志易窮則變孟康曰窮終也
後漢書酷吏傳為窮怒之所遷及者注窮極也是皆有
竟義充者陸機漢高祖功臣頌文武四充

而乃爾若汝也

而者禮記月令以固而閉注而猶女也儀禮而不善乎
注同乃者周禮小宰各修乃職攷乃灋注乃猶女也案
洪範謀及乃心史記作謀及女心爾者詩雄雉百爾君
子箋爾女也若者考工記惟若寧侯儀禮士昏禮若則
有常注皆訓為女

控轡挽引也

控者詩載馳控于大邦傳控引左襄八年傳無所控告
注控引也轡者淮南原道訓轡棊衛之箭注轡引也通
作關左昭二十一年傳豹則關矣注關弓引弓挽依字
當作輓說文輓引車也左襄十四年傳或輓之注前牽
曰輓漢書韓安國傳轉粟輓輸師古曰輓引舉也
承贊涼助佐也

承者左哀十八年傳請承注承佐也案承丞古通呂覽
介立篇為之丞輔注丞佐也贊者周禮太卜贊三兆三
易三夢之占儀禮士冠禮宰自右少退贊命鄭皆釋為
佐涼者詩大明涼彼武王傳涼佐也釋文涼本亦作諒

小爾雅疏證 卷一
佐也助者說文云左也案古佐皆作左
尋由以用也

尋者左莊二十八年傳今令尹不尋諸仇讎注尋用也
由者詩君子陽陽右招我由房傳由用也通作猶禮記
雜記猶是附於王父也注猶當爲由由用也又同繇漢
書司馬相如傳則仁者不繇也師古曰繇讀與由同用
也案說文無由字已部皂木生條也引商書若顛木之
有皂櫨以者易明夷彖傳文王以之虞翻注以用也詩
谷風不我屑以箋云以用也案以用古通用書呂刑報
虐以威論衡作報虐用威詩板勿以爲笑荀子作勿用

爲笑

要捷集載成也

要者詩摯兮倡予要女傳要成也呂覽簡選篇以要甲
子之事于牧野注要成也捷者左宣十二年傳事之不
捷注捷成也集者詩小旻是用不集箋云是非相奪莫
適可從故所爲不成載者白虎通義載之言成也國語
周語天地之所載也注地受天氣以成百物
肆赴捷疾也

肆者詩大明肆伐大商傳肆疾也正義曰左傳云輕者
肆焉是肆爲疾之義赴者禮記少儀毋拔來毋報往注

報讀爲赴疾之赴拔赴皆疾也捷者呂覽貴卒篇吳起之智可謂捷矣注捷疾也淮南兵略訓捷梓招杼船注捷疾取也

造之如適也

造者詩篤公劉乃造其曹箋云適其牧羣莊子山木篇愛己而造哀也釋文引司馬注造適也之者禮記檀弓若魂氣則無不之也正義曰言無所不之適上或適於天旁適四方大學之其所親愛注之適也言適彼而以心度之如者春秋本義引陸希聲左傳通例自此適彼曰如

掇督撫拾也

掇者詩芣苢薄言掇之傳掇拾也督从叔目說文叔拾也徐鍇曰收拾之也詩九月叔苴傳叔拾也畢憲曾曰爾雅筑拾也注謂拾掇書金滕大木所偃則起而筑疏引鄭注禾爲木所偃者起其木拾其下禾乃無所亾失也今本尚書作築掇筑督皆聲近潘氏錫恩曰說文撫安也徐鍇繫傳一曰掇也故與掇俱訓拾春秋傳司馬督漢書古今人表作司馬篤督篤同釋名篤築也尚書馬傳築拾也

肄子燼餘也

肄近本誤作肆今改正

小爾雅疏證

卷一

七

肄者詩汝墳伐其條肄傳肄餘也斬而復生日肄周禮
小宗伯肄儀為位注故書肄為肆杜子春讀肆當作肄
禮記玉藻肆束及帶注肆讀為肄餘也義通髡曲禮斂
髮毋髡注髡髮也毋垂餘如髮也髡或為肄又聲轉為
蕤爾雅作柝訓餘也說文作櫛云伐木餘也子者詩雲
漢周餘黎民靡有子遺燼者詩桑柔具禍以燼箋云災
餘曰燼正義曰燼是燹燭既然之餘以比兵窮災害民
之餘左成二年傳請收合餘燼注燼火餘木方言子蓋
餘也周鄭之間曰蓋或曰子徐楚之間曰子自關而西
秦晉之間炊薪不盡曰蓋案蓋燼同說文作夷火餘木
也

拓斥啓闢開也

拓者後漢書竇憲傳恢拓境宇注拓開也通作柝淮南
原道訓柝八極注柝開也斥者漢書惠帝紀視作斥土
者如淳曰斥開也開土地為冢壙故以開斥言之啓者
左隱元年傳夫人將啓之注啓開也論語泰伯篇啓予
足啓予手集解引鄭注啓開也案經傳俱以啓開通用
闢者易繫辭傳其動也闢注動則闢開以生物又闢戶
謂之乾虞翻注闢開也通作辟詩召旻日辟國百里傳
辟開也

杜實充物塞也

杜者周禮大司馬犯令陵政則杜之注引王霸記杜之者杜塞使不得與鄰國交通國語晉語狐突杜門不出一切經音義五引賈逵注杜塞也實者廣雅釋詁實塞也詩定之方中秉心塞淵箋訓充實充者詩旄邱褒如充耳箋云充耳塞耳也物者下文物滿也此訓為塞義相引也

實物滿也

實者詩節南山有實其猗傳實滿也禮記玉藻盛氣顛實揚休注盛身中之氣使之闐滿其息若陽氣之體物也物者詩靈臺於物魚躍傳物滿也通作仞司馬相如子虛賦充仞其中者不可勝記

獎率勵勸也

獎者方言獎欲也晉趙曰獎自關而西秦晉之間相勸或曰獎漢書何武傳獎稱人之善師古曰獎勸也亦作將漢書衡山王傳皆將養勸之注將讀曰獎率者書益稷率作興事勵當作厲周書和寤解王乃厲翼於尹氏八士注厲獎厲也漢書武帝紀以厲賢材焉師古注以獎厲賢材之人是皆有勸義也

勤勉事力也

勤者說文云勞也从力熒省熒火燒門用力者左僖二
十八年傳令尹其不勤民注盡心盡力無所愛惜爲勤
勉者說文云彊也又弓部彊弓有力也左昭二十年傳
勉之注勉謂努力事者周禮鄉師凡邦事令作秩敘注
事功力之事

淫肩省過也

淫舊本作經文選七發注引爾雅淫過也案爾雅無此
文今据改左昭元年傳淫生六疾注淫過也肩者書多
士大淫泆有辭釋文泆又作侑馬本作肩云過也省者
史記秦本紀飾省宣義正義省過也通作書書說命惟

干戈省厥躬釋文省本作青洪範王省惟歲宋世家作
青康誥人有小罪非青釋文青本作省

闕缺閒隙也

闕者左僖二十六年傳彌縫其闕釋名闕在門兩旁中
央闕然爲道也案闕隙聲之轉缺與闕義同閒者說文
云隙也徐鍇曰門夜閉閉而見月光是有閒隙也

迭遞交更也

迭者禮記禮運五行之動迭相竭也注五行運轉更相
爲始也遞者說文云更易也國策齊策六國之遞甚也
注遞更也楚辭招魂射遞代些注同交者呂覽務大篇

交相爲贊注交夏也

燿剗沒滅也

燿者左襄二十六年傳王夷師燿注吳楚之間謂火滅爲燿剗者國策齊策剗而類破吾家注剗滅也呂覽權勛篇必剗若類又觀世篇以兵相剗注皆訓滅也沒無也已見上文又爲滅者下文滅沒也轉相訓左襄二十四年傳何沒沒也注沒沒沉滅之言

玄黔驪黝黑也

元者爾雅釋天九月爲元李巡曰陰氣侵元其色皆黑夏小正八月元校傳元也者黑也黔者說文云黎也秦

謂民爲黔首謂黑色也周謂之黎民易說卦傳爲黔喙之屬馬融曰黔黑也左襄十六年傳邑中之黔釋文黔黑也驪者禮記檀弓夏后氏尙黑戎事乘驪注馬黑色曰驪爾雅釋畜盜驪注驪純黑色黝者說文云微青黑色周禮牧人陰祀用黝牲又守祧其祧則守祧黝堊之鄭司農皆讀爲幽疏謂幽是北方其色黑詩隰桑其葉有幽傳幽黑色也又禮記玉藻幽衡注幽讀爲黝爾雅釋器黑謂之黝又釋宮地謂之黝郭謂黑飾地也義通泐山海經西山經北流注于泐水注泐水色黑也縞皓素白也

縞者詩東門縞衣綦巾傳縞衣白色禮記王制縞衣而
養老注殷尚白而縞衣裳皓者詩揚之水白石皓皓傳
皓皓潔白也孟子滕文公篇皜皜乎不可尚已注皜皜
甚白也案皜與皓同素者說文云白緻繪也詩羔羊素
絲五紵傳素白也禮記禮器或素或青注素尚白
形狎縹朱也

彤者詩彤弓昭兮傳彤弓朱弓也狎說文作狎云赤剛
土也經典相承作駢詩闕宮享以駢犧縹者禮記玉藻
縹紱幽衡注縹赤黃之間色

淫溢沈滅沒也

淫者淮南覽冥訓積蘆灰以止淫水注平地出水為淫
水溢者詩周頌假以溢我箋云溢盈溢之言也沈者國
策秦策城之不沈者三板耳注沈沒也史記酷吏傳作
沈命法索隱引韋昭說沈沒也滅者易噬嗑初九履校
滅趾正義曰校之在足已沒其趾荀子臣道篇闇主妒
賢畏能而滅其功注滅淹沒也

載功物事也

載者詩文王上天之載傳載事周禮載師注載之為言
事也事民而稅之案書堯典有能奮庸熙帝之載史記
載作事漢書揚雄傳上天之緯緯與載通廣雅緯事也

功者易隨九四象有孚在道明功也注能幹其事而成其功詩七月載績武功傳功事也物者易繫辭傳惟其時物也注物事也詩烝民有物有則傳物事正義曰凡言萬物則萬事也故以物為事

小爾雅疏證卷一終

小爾雅疏證卷二

嘉定葛其仁學

廣言二

說文云直言曰言古亦以一字為一言論語有一言而可以終身行之者乎篇中所釋或連舉二字或僅釋一字皆皆廣爾雅所未備

晏明陽也

晏者說文云天清也文選揚雄羽獵賦天清日晏注引許慎淮南子注晏無雲之處也顏師古漢書注同明者史記五帝紀幽明之占正義明陽也淮南墜形訓東方曰開明之門注明者陽也日之所出故曰開明之門
盱晏晚也

小爾雅疏證 卷二
盱者左襄十四年傳日盱不召注盱晏也漢書張湯傳
湯每朝奏事語國家用日盱師古曰盱晚也論事既多
至於日晚晏者論語子路篇何晏也皇侃疏晏晚也國
語越語蚤晏無失注晏晚也

算麗數也

算數也已見爾雅復釋之者疑後儒竄入矣麗者詩文
王其麗不億傳麗數也正義曰以億是數名故知麗爲
數也方言斲數也郭注偶物爲斲故云數也案斲麗一
字

叟艾老也

叟者孟子梁惠王篇叟不遠千里而來注叟長老之稱
猶父也國語齊語合羣叟注叟老也案三老五更蔡邕
以更字爲叟云三老國老也五叟庶老也又以三老爲
三人五叟爲五人通作叟左宣十二年傳趙叟在後注
叟老稱也艾者禮記曲禮五十曰艾注艾老也方言東
齊魯衛之間凡尊老謂之叟或謂之艾

僉皆同也

僉者書舜典僉曰伯禹作司空某氏傳四岳同辭而對
是僉爲同也皆者管子幼官篇僭度量注僭同也案僭
皆通又習故能僭注僭謂同爲事

交校報也

交亦通校淮南時則訓虎始交注交讀如將校之校校者左僖二十三年傳有人而校注校報也論語泰伯篇犯而不校包咸曰校報言見侵伐不報

舒布展也

舒者方言云東齊之間凡展物謂之舒物素問氣交變大論其氣舒啓注舒展也布者包咸論語寢不尸注布展手足似死人布展連文

揚翥舉也

揚者易大有象辭君子以遏惡揚善虞注揚舉也禮記檀弓杜蕢洗而揚解注舉爵於君也義通媵儀禮燕禮升媵觚於賓注媵送也讀或爲揚舉也翥者說文云飛舉也方言云舉也楚謂之翥

索略求也

索者易說卦傳震一索而得男王肅注索求也禮記曲禮大夫以索牛注求而得用之又郊特牲蜡也者索也注謂求索也孔安國尚書序八卦之義謂之八索求其義也略者方言云求也就室曰摻於道曰略

奚害何也

奚者禮記檀弓吾欲暴尫而奚若注奚若何如也害者

詩葛覃害澣害否箋云我之衣服今者何所當見澣乎何所當否乎又泉水不瑕有害箋云害何也二子乘舟不瑕有害鄭亦訓何案害與曷同書湯誓時日曷喪孟子引作害喪說文曷何也

里度居也

里者爾雅釋言里邑也注謂邑居詩將仲子兮無踰我里又十月之交悠悠我里傳皆訓居周禮載師以廛里任國中之地注廛里者若今之邑里居矣度者詩絲度之薨薨傳度居也又皇矣爰究爰度傳同左文十八年傳不度於善注度居也案古文宅度同書宅西周禮縫人注引作度西五流有宅史記作五流有度

周浹帀也

周者禮記檀弓四有皆周注周帀也說文無浹字浹卽挾詩大明使不挾四方傳挾達也正義曰挾者周匝之義故爲達周禮所謂浹日浹卽今之匝義同也案今本周禮作挾國語越語浹日而令大夫朝之注浹匝也充該備也

充者公羊桓四年傳充君之庖注充備也該者穀梁哀元年傳此該之變而道之也注該備也楚辭齊桓聞以該輔注該備也備輔佐也依字當作咳國語吳語咳姓

于王宮注咳備也

列厥陳也

列者漢書司馬遷傳論列是非師古曰列陳也厥未詳王寶仁曰疑厥字之譌案說文云厥陳輿服于庭也周禮司服厥衣服鄭司農曰厥陳也

輻輳輿也

輻者漢書景帝紀令長吏二千石車朱兩輻千石至六百石朱左輻應劭謂車耳反出所以爲之藩屏翳塵泥也師古曰據許慎李登說輻車之蔽也左氏傳云以藩載樂盈卽是有鄣蔽之車也周禮巾車漆車藩蔽鄭注

藩今時小車輻者說文云輻也考工記輻人爲輻注輻車輻也詩云五檠梁輻

廢措置也

廢者公羊宣八年傳廢其無聲者注廢置也鄭志答張逸云廢置也於去聲者爲廢謂廢畱不去也案左傳廢六關家語作置六關措者禮記月令措之于參係介之御問注置耒于車右與御者之間又禮器措則正注措置也通作錯論語爲政篇舉直錯諸枉包曰廢置邪枉之人爾雅釋天錯革鳥曰輿公羊疏引孫炎曰錯置也駕乘陵也

駕者左昭元年傳猶詐晉而駕焉注駕猶陵也乘者國語周語乘人不義注乘陵也呂覽貴直篇一鼓而士畢乘之注義同

收戢斂也

收者儀禮士冠禮夏收注收言所以收斂髮也禮記學記收其威也注謂收斂整齊之戢者詩桑扈不戢箋云不自斂以先王之政又鴛鴦戢其左翼鄭亦訓斂通作輯書舜典輯五瑞史記作揖五瑞注引馬融云揖斂也

禁錄也

禁未詳當為麓字之譌書舜典納于大麓伏生大傳納之大麓之野康成注山足曰麓麓者錄也堯命舜陟位居攝致天下之事使大錄之

掌司主也

掌者書周官冢宰掌邦治傳主國政治孟子滕文公篇我使掌與女乘注掌主也司者詩羔裘邦之司直傳司主也禮記文王世子樂正司業父師司成注司主也正義曰司是職司故為主

偏贅屬也

偏者左襄三年傳舉其偏杜注偏屬也正義曰偏者半廂之名故傳多云東偏西偏軍師屬已分之別行謂之

偏師傳云彘子以偏師陷是偏為廂屬之名也贅者詩
桑柔具贅卒荒傳贅屬箋云皆見繫屬於兵役尙書大
傳太王亶甫贅其耆老而問之鄭注贅為屬案孟子作
屬其耆老釋名贅屬也橫生一肉屬著體也

麗著思也

麗亦通著左宣十二年傳射麋麗龜服注麗著也著者
禮記祭義致慤則著鄭訓為思念案門屏之間曰著鄭
明堂位注屏謂之樹今桴思也正義曰人臣至屏俯伏
思念其事又案桴思即呆思釋名呆復也思思也臣將
入請事於此復重思之也

載略行也

載者書舜典有能奮庸熙帝之載鄭注載行也淮南俶
眞訓日月無所載注載行也略者左隱五年傳吾將略
地焉注略總攝巡行之名又宣十一年傳略基趾昭十
二年傳荀吳略東陽注皆訓行也

沓襲合也

沓者開元占經引巫咸云諸舍精相沓為合楚辭天問
天何所沓注沓合也揚雄羽獵賦天與地沓文選注引
應劭曰沓合也襲者禮記少儀劍則啓櫝蓋襲之注襲
卻合之淮南天文訓天地之襲精為陰陽注襲合也

抵享當也

抵者管子小問篇寡人之抵罪也久矣注抵當也史記高祖紀傷人及盜抵罪應劭曰抵至也又當也漢書武帝紀作角抵戲文穎曰名此樂爲角抵者兩兩相當角力角技藝射御故名角抵享者書咸有一德克享天心某氏傳享當也正義曰德當神意神乃享之故以享爲當也漢書韋元成傳靖享爾位師古曰享當也

庚徹道也

庚者詩序由庚萬物得由其道也左成十八年傳以塞夷庚注夷庚吳晉往來之要道徹者詩十月之交天命不徹傳徹道也箋云不道者王不循天之政教案爾雅釋言不徹不道也

脩舒長也

脩者詩六月四牡修廣傳修長禮記投壺壺頸修七寸腹修五寸注修長也爾雅釋宮陝而修曲曰樓郭訓修爲長淮南鴻烈篇避父諱以長爲修舒展也已見上又訓爲長者義理相承以意釋之

校戰交也

校者淮南兵略訓野無校兵注敵家之兵不來相交復也戰者說文云接也公羊莊十年傳戰不言代注合兵

血刃曰戰

謁復白也

謁者左昭四年傳人弗謁杜注謁白也國策秦策臣請謁其故注謁白也漢書公卿百官表謁者掌賓讚受事應劭曰謁請也白也復者禮記曲禮願有復也注言欲須少空閒有所白也左成二年傳若苟有以藉口而復于寡君注復白也

勅質正也

勅者書臯陶謨勅我五典通作飭呂覽季冬紀飭國典注飭讀為勅勅正國法又通飾呂覽舉難篇難為非則行飾注飾讀曰勅勅正也質者周禮詛祝以質邦國之劑信注質正也儀禮士冠禮宰告曰質明行事注質正也

裔蔑末也

裔者左昭二十九年傳有裔子曰董父注元孫之後為裔國語晉語延及寡君之紹續昆裔注裔末也漢書藝文志六經之支與流裔師古曰裔衣末也蔑通作曠釋名目眚傷末曰曠曠末也創在目兩末也又通懷廣雅釋詁懷末也

延衍散也

延衍音義俱近漢書武帝作漫衍之戲張衡西京賦是謂曼延是延與衍同故同訓散文選揚雄甘泉賦駢交錯而曼衍兮注曼延分布也是有散義
末沒終也

末者儀禮公食大夫禮皆卷自末注末經所終周書諡法解萬子孫用末被先王之靈光注末終沒依字當作殤亦作歿經典通作沒易繫辭傳庖犧氏沒虞翻注沒終也儀禮士昏禮若舅姑既沒禮記檀弓不沒其身鄭皆訓終
此辨別也

此者詩中谷有蕓有女此離傳此別也箋云有女遇凶年而見棄與其君子別離辨者易繫辭傳困德之辨也鄭注辨別也周禮辨方正位注辨別也引鄭司農曰別四方

菲涼薄也

菲者禮記坊記故君子不以菲廢禮注言不可以其薄而不及禮而不行禮論語泰伯篇菲飲食馬融曰菲薄也通作侏史記三王世家母侏德索隱引孔文祥說訓侏爲薄涼者詩桑柔職涼善背傳涼薄正義曰涼者薄之別名左莊三十二年傳號多涼德又昭四年傳君子

作法於涼杜皆訓薄也

復旋還也

復者書舜典卒乃復正義引釋言云還復返也是還復同義旋者禮記玉藻周還中規折還中矩釋文還本亦作旋左文十八年傳行父還觀莒僕注還猶周旋旋還轉相訓也

祖翼送也

祖者祭行道之神詩韓奕韓侯出祖箋云將去而祀軼也白虎通義共工之子曰修好遠遊故祀以爲祖神一名軼生民詩取羝以軼聘禮出祖釋軼周禮太僕及犯

軼遂驅之一名道禮記曾子問道而出是一祭而三名其制於國外委土爲山伏牲其上天子以犬諸侯以羊卿大夫用酒脯以菩芻棘柏爲神主既祭以車轆之而去於時送者飲酒於祖側曰餞餞送也詳見詩生民正義漢書景十三王傳祖于江陵師古曰祖者送行之祭因饗飲也昔黃帝之子累祖好遠遊而死于道故後人呂爲行神也翼未詳潘氏錫恩曰書多士非我小國敢弋殷命正義稱鄭氏作翼引鄭注翼猶驅也文選注引倉頡篇隨後曰驅詩太叔于田傳從禽曰送正義申之曰送爲逐後故知從禽案翼訓驅驅爲隨後送亦爲逐

後故以送釋翼也

走印我也

走者司馬遷與任安書太史公牛馬走文選注言已爲太史公掌牛馬之僕張衡東京賦走雖不敏注自稱走使之人如今言僕矣卿我也已見爾雅疑爲後儒所加
姓命孛子也

姓者說文云姓人所生也古之神聖母感天而生子故曰天子左昭四年傳問其姓注問有子否命者國語周語不亦嬪姓矣乎注引賈唐注姓命也命與姓義同故亦訓爲子帑者詩常棣樂爾妻帑傳帑子也案經典皆

作帑

諧顛和也

諧說文作諧云樂和諧也引書八音克諧書堯典克諧以孝史記作克和以孝左襄十一年傳如樂之和無所不諧注諧亦和也顛者書盤庚率顛衆感某氏傳顛和也案顛从頁籥聲說文龠樂之竹管三孔以和衆聲也故訓爲和

悛寤覺也

悛止也已見廣詁又爲覺者左襄二十八年傳亦無悛志注悛改寤也是悛與寤同義寤者詩關雎寤寐求之

傳寤覺又碩人獨寐寤言箋云在澗獨寐覺而獨言周禮占夢四曰寤夢注覺時道之而夢又司寤注寤覺也主夜覺者

憾猜恨也

憾者禮記中庸人猶有所憾注憾恨也左隱五年傳叔父有憾于寡人宣二年傳以其私憾注皆釋為恨猜者說文云恨賊也左僖九年傳耦俱無猜注兩無猜恨

艾盡止也

艾者詩庭燎夜未艾左哀二年傳憂未艾也皆有止義盡者荀子正名篇欲雖不可盡可以近盡也注適可而

止也

擱忿也

擱者方言云猛也晉魏之間曰擱楊倞荀子注引方言作倜案說文無擱字人部倜釋云武兒从人間聲引詩瑟兮倜兮左昭十八年傳今執事擱然授兵登陴注擱然勁忿貌

奸犯也

奸者左昭二十四年傳是再奸也注奸犯也通作干書盾征以干先王之誅傳干犯也周書武順解危言不干德曰正注不干謂不犯也

汨猶亂也

汨者書洪範汨陳其五行案義通扣呂覽本生篇水之性清土者扣之故不得清人之性壽物者扣之故不得壽注扣讀曰骨濁也又亂也猶者書舜典蠻夷猾夏鄭康成曰侵亂中國也案說文無猾字當作滑周語滑夫二川之神注滑亂也史記子欲聞六律五聲八音來始滑今本尚書作在治忽忽與治義相反是滑為亂也

縮讀抽也

縮者詩巷伯傳使執燭放乎旦而蒸盡縮屋而繼之正義曰縮抽也薪盡乃抽取屋草以繼之案廣韻亦云縮

抽也知縮縮一字讀者詩牆有茨不可讀也傳讀抽也顏師古匡謬正俗曰抽當為籊籊讀也从竹籊聲籊即古抽字

暨捷及也

暨不及也見爾雅暨又訓為及者禮記喪大記塗不暨於棺注暨及也捷者漢書揚雄傳豈駕鵝之能捷晉灼曰捷及也

苞跋本也

苞者詩下泉浸彼苞稂又斯干如竹苞矣傳皆訓本亦作包易否繫于包桑陸績注包本也跋者禮記曲禮燭

不見跋注跋本也
肆臬極也

肆者左昭十二年傳昔穆王欲肆其心注肆極也國語周語藪澤肆既注肆極也臬法也已見廣詁又爲極者說文臬射準的也漢書司馬相如傳藝殪仆文穎曰所射準的爲藝師古曰藝謂射的讀與藝同字亦作臬案左昭十三年傳貢之無藝服注藝極也魯語貪無藝也晉語貪欲無藝注皆訓極故訓臬爲極也

睇題視也

睇者說文目小袤視也禮記內則睇視注睇傾視也引易曰明夷睇于左股正義引彼注云旁視爲睇夏小正燕乃睇傳睇者眄也眄者視可爲室者也題者詩小宛題彼脊令傳題視也箋云題之爲言視睇也
犯肆突也

犯者說文犯侵也从犬巳聲荀子王霸篇汗漫突盜注突謂相陵犯也犯之爲突轉相訓肆者詩皇矣是伐是肆箋云肆犯突也

束縻縛也

束者周禮羽人十搏爲縛注縛束名也說文亦云縛束也轉相訓縻者說文云牛轡也亦作縻荀子正論藉縻

舌繹注靡繫縛也

肆從遂也

肆突也見上又爲遂者周禮鐘師肆夏呂叔玉云肆遂也夏小正貍子肇肆注肆遂也言其始遂也從者文選嵇康與山巨源絕交書能遂其志注引國語賈逵注遂從也又閒居賦注引聲類遂從意也此轉相訓

放投棄也

放者漢書哀帝紀聖王所放師古曰放棄也淮南修務訓放驩兜于三苗注放棄也投者詩巷伯投畀豺虎傳投棄也左文十八年傳投諸四裔注投棄也正義曰投

者擲去故爲棄也

莽蕪草也

莽者說文艸叢草也从四艸又莽南昌謂犬善逐菟艸中爲莽从犬艸左哀元年傳暴骨如莽注草之生于草野莽莽然故曰草莽爾雅釋草莽數節注竹類也是草亦有名莽者蕪說文蕪也从草無聲釋草蘄蕪蕪注香草又須蕪蕪注蕪似羊蹄葉細味酢可食

暴映曬也

暴者說文曬暴也方言曬暴也凡暴五穀之類秦晉之間謂之曬故暴可訓曬也說文無映字華嚴經音義引

字書映傍照也

焮晞也

焮者左昭十八年傳行火所焮注焮炙也說文無焮字當為昕日部昕旦明日將出也从日斤聲讀若希

晞乾也

晞者詩蒹葭白露未晞傳晞乾也又湛露匪陽不晞傳

晞乾也露雖湛湛然見陽則乾禮記玉藻髮晞用象櫛

注晞乾也

迪迹蹈也

迪者法言先知篇為國不迪其法注迪蹈也說文迪道

也書各迪有功史記作各道有功案道蹈古通列子黃

帝篇向吾見子道之注道當作蹈荀子禮論道及士大

夫注史記道作蹈迹說文步處也淮南說山訓足屣足

而為迹注屣履也莊子庚桑楚釋文引司馬彪注屣蹈

也通作蹟爾雅釋訓不蹟不道也

衍演廣也

近本廣字下多一遠字据文選七啓注引演廣也刪

衍者易繫辭傳大衍之數釋文引王蜀注衍廣也演者

說文長流也釋名演延也言蔓延而廣也

袤從長也

袤者說文云南北曰袤東西曰廣漢書溝洫志渭中袤

爾雅疏 卷二
二百里師古曰袤長也從如詩衡從其畝之從韓詩作
橫由其畝云南北耕曰由

荷揭擔也

荷者詩濬哲何天之休箋云擔負天之美譽左昭七年
傳其子弗克負荷注荷擔也爾雅釋天何鼓謂之牽牛
注今荆楚人呼牽牛星爲檐鼓檐者荷也案檐擔同揭
說文高舉也案凡物上舉者皆謂之揭文選齊故安陸
昭王碑文注引莊子昭昭若揭日月而行司馬彪曰揭
擔也
仍再也

仍者爾雅釋天仍饑爲荐又釋言荐再也故仍有再義
徇肆也

肆當爲肆二字經典通用徇者史記五帝紀幼而徇齊
注徇疾也廣詁肆疾也徇肆同義
工官也

工者書堯典允釐百工史記作信飭百官詩臣工傳工
官也

稽考也

稽者易繫辭傳於稽其類注稽猶考也周禮小司徒稽
國中及四郊都鄙之夫家九比之數注稽猶考也

顛隕也

顛者易雜卦傳大過顛也虞注顛隕也左哀十一年傳

顛越不恭服注同

躋陞也

已見爾雅

戕殘也

戕者書梓材戕敗人宥鄭注戕殘也詩十月日予不戕

箋云戕殘也左定十四年傳將戕于余注戕殘殺也

剝截也

剝說文作剝引夏書天用剝絕其命漢書王莽傳征伐

剝絕之矣注剝截也又通櫟漢書外戚傳命櫟絕而不

長注櫟截也

辟除也

辟者周禮小司寇前王而辟鄭司農曰為王道辟除姦

人也孟子離婁篇行辟人可也注辟除人

恩患也

恩者左昭六年傳主不恩賓注恩患也

謫責也

謫者方言南楚以南凡相非議人謂之謫詩北門室人

交徧謫我傳謫責也左成十七年傳國子謫我注謫譴

責也謫謫同又作適孟子離婁篇人不足與適也注不足過責也漢書食貨志故吏皆適令伐棘上林師古曰適讀曰謫謫責罰也

間非也

間者論語先進篇人不間於其父母兄弟之言注人不得有非間之言孟子政不足與間也注政教不足復非順退也

未詳潘氏錫恩曰集韻順古作巡文選注引郭璞爾雅注逡巡卻去也巡又作遁漢書平當傳逡遁有恥師古曰遁與巡同鄉射禮賓少退鄭注少逡遁也順巡遁字

異義同

抗禦也

抗者儀禮既夕抗木注抗禦也所以禦止土者荀子禮論抗折其須注抗禦也通作亢左宣十三年傳而亢大國之討注亢禦也

斬取也

斬與斬通太史公自序錯孫斬徐廣曰一作斬荀子儒效篇跨天下而無斬注斬求也案求取義同王寶仁曰取當爲耻之譌左傳服注耻而惡之曰斬
蚩戲也

蚩者一切經音義引蒼頡篇蚩相輕侮也又蚩笑也通作吹陸機文賦或受吹于拙目

褊狹也

褊者楚辭初放淺智褊能今注褊狹也

憇忌也

憇者說文云毒也左定四年傳憇間王室哀元年傳憇澆能戒之杜皆訓毒此釋爲忌者因聲取義

沮疑也

沮者禮記儒行沮之以兵注沮謂恐怖之也廣雅云沮疑也通作阻左閔二年傳狂夫阻之注阻疑也

虧損也

虧者說文云氣損也淮南精神訓無天下不虧其性注虧損也

毀壞也

毀者國策秦策壹毀魏氏之威注毀敗也孝經釋文引蒼頡毀破也是有壞義

判散也

判者詩訪落繼猶判渙傳判分渙散也

蔽斷也

蔽者左昭十四年傳叔魚蔽罪邢侯注蔽斷也義通弊

周禮天官弊羣吏之治注弊斷也

交俱也

交者國語晉語苟交利而得寵注交俱也呂覽貴當篇皆交爭證諫注交俱也

俘罰也

俘當据孔氏正義改作浮禮記投壺俏立踰言有常爵又若是者浮鄭注常爵常所以罰人之爵也浮亦謂是也正義引小爾雅曰浮罰也案浮罰一聲之轉

夷傷也

夷者易序卦傳夷者傷也左成十三年傳芟夷我農功

注夷傷也

枳害也

枳者山海經西山經枳葉而多傷注枳刺針也孔叢子形論率過以小謂之枳注一作痕猶傷也

締閉也

締者說文云締結不解也楚辭九章氣繚轉而自締

靡細也

靡者周禮司市靡者使微注侈靡細好使富民好奢微之而已禮記月令靡草死正義以其枝葉靡細故謂之靡草呂覽本生篇靡曼皓齒注靡曼細肌美色也揚子

方言在齊言布帛之細曰綾秦晉曰靡
辯使也

辨者書酒誥勿辯乃司傳辯使也案辨與俾聲之轉書
序王俾榮伯作賄肅慎之命馬本俾作辨爾雅俾使也
故辨訓為使說文作辯云治也治使義亦相近

牧臨也

牧者周禮建其牧牧有臨民之義故釋為臨方言監牧
察也牧與監同義說文監臨下也

嘗試也

嘗者禮記檀弓盍嘗問焉注嘗猶試也左隱元年傳嘗

寇而速去之注嘗試也

賴羸也

賴者國語齊語相示以賴注賴羸也又晉語已賴其地

注同

若乃也

若者禮記祭統若纂乃初服注若乃猶女也國語周語
若能有濟也注若猶乃也

嗟發聲也

嗟者釋名嗟佐也言之不足以盡意故發此意以自佐
也爾雅釋詁嗟咨也文選注引舊注云嗟楚人發語端

也

奏為也

奏者詩六月以奏膚公傳奏為

振救也

振者禮記月令振乏絕注振猶救也左昭十四年傳分

貧振窮注振救也

庸償也

庸說文用也从用从庚案疑為庚之譌禮記檀弓請庚之注庚償也

賈價也

賈者說文云物直也周禮天官賈人注賈主市買知物價案賈價古今字漢書價皆作賈說文無價字正作

賈

贍足也

贍者孟子公孫丑篇力不贍也注贍足也呂覽順民篇愁悴不贍者注贍猶足也通作詹適音篇不充則不詹注訓足讀如澹然無欲之澹案說文無贍字當作澹漢書食貨志以澹其欲師古曰澹古贍字淮南原道訓富澹天下注澹足也

曹偶也

曹者說文云獄之兩曹也楚辭招魂分曹並進注曹偶也

麗兩也

麗者方言云偶物爲麗案易離麗也又麗澤兌皆有兩義通作儷儀禮士冠禮注儷皮兩皮也又通離禮記曲禮離坐離立注離兩也

驟數也

驟者左文十四年傳公子商人驟施于國注驟數也又哀十四年傳驟顧諸朝注心不安故數顧之逸周書太子晉解王子曰太師何舉足驟師曠曰天寒足跣是以

數也孔晁注驟亦數也

逞快也

逞者左桓六年傳今民餒而君逞欲注逞快也案又爲急疾之意方言逞疾也楚曰逞今俗語猶謂疾爲快矣越遠也

越者左襄十四年傳越在他竟注越遠也國語周語氣不沈滯而亦不散越注同

姑且也

姑者詩卷耳我姑酌彼金罍傳姑且也禮記內則姑與之而姑使之注姑猶且也逸周書周祝解惡姑幽惡姑

明惡姑陰惡姑陽惡姑短長惡姑剛柔注姑者且也

哥可也音哥其與哥同音故與

故哥者詩正月哥矣富人傳哥可又雨無正哥矣能言傳

哥可矣可矣世所謂能言者也

釋解也

釋者左襄二十九年傳釋不朝正于廟也注釋解也通

作澤詩載芟其耕澤澤正義曰釋釋然土皆解散夏小

正農及雪澤注雪澤猶凍解也

庸善也

庸者禮記正義引鄭目錄中庸者以其記中和之為用

也案廣雅釋詁庸和也高誘注呂覽貴公篇善猶和也

和與善義相近故訓庸為善也

荐重也

荐者左僖十三年傳晉荐饑注荐重也字或作薦詩雲

漢饑饉薦臻傳薦重也又作游易水游至又游雷並謂

重也

登升也

登陞也已見爾雅案古字只作升周禮羊人登其首注

登升也左隱五年傳不登于俎服注登為升

勵勉也

勵勸也見廣詁又爲勉者後漢書劉虞公孫瓚陶謙傳
贊襄賁勵德注勵勉也通作厲漢書儒林傳序以厲賢
材焉師古曰厲勸勉之也

赫顯也

赫者詩生民以赫厥靈傳赫顯也又常武赫赫鄭訓爲
顯著

躔是也

躔者左隱十一年傳犯五不躔注躔是也案洪範五者
來備後漢書李雲傳作五氏來備注是與氏古字通又
荀爽傳五躔咸備注躔是也

丕莊也

丕者爾雅釋詁丕大也莊壯通莊子天下篇不可與莊
語莊一作壯檀弓柳莊漢書古今人表作柳壯方言奘
大也秦晉之間凡人之大謂之奘或謂之壯

佞才也

佞者左成十三年傳寡人不佞服虔注佞才也不才者
自謙之辭也

暨息也

暨者詩谷風伊余來暨又假樂民之攸暨傳俱訓爲息
案爾雅釋詁咽息也暨咽古今字

話善也

話者說文云合會善言也詩板出話不然又抑慎爾出話傳皆訓善言書正義引舍人爾雅注話政之善言也愿謹也

愿者左襄三十二年傳愿吾愛之注謹善也詩衡門序愿而無立志釋文愿謹也

丰豐也

丰者詩子之丰兮傳丰豐滿也箋云面貌丰丰然豐滿善人也案丰豐音義皆同

都盛也

都者詩有女同車洵美且都傳都閑也正義曰都者美好閑習之言案廣雅釋訓閑閑盛也故都亦爲盛

腆厚也

腆者左僖三十三年傳不腆敝邑文十二年傳不腆敝器注皆訓厚

肆緩也

肆者左襄九年傳肆肯注肆緩也淮南本經訓寬而不肆注肆緩也

競逐也

競者詩桑柔職競用力箋云競逐也又長發不競不綵

箋同莊子齊物論有競有爭注並逐曰競

紀基也

紀者詩終南有紀有堂傳紀基也正義曰以下文有堂故以為基謂山基也

基忌教也

基者左宣十二年傳楚人基之注基教也文選張衡西京賦人基之謀薛綜注基教也忌者王光祿鳴盛尚書後案曰說文心部基毒也从心其聲周書曰來就基基今周書無此文詳考之此經未就予忌當即是也來與未形相似基與忌聲相亂而誤案基忌一字基訓教故

忌亦訓教

懋願也

懋者國語晉語以懋御人注懋願也楚語吾懋置之於耳注懋猶願也

懋強也

懋又為強者詩十月不懋遺一老箋懋者心不欲自強之辭也正義曰說文懋肯從心也言初時不欲後始勉強而肯從

懋且也

詩十月釋文引爾雅云願也強也且也案爾雅無此文當即此處脫文今補

懋又為且者說文懋冑也冑舊作問謹敬也从心懋聲一曰

說也一日且也且舊左哀十六年傳不憇遺一老注憇作甘且也

薄迫也

薄者左僖三十三年傳半涉而薄我文十二年傳薄諸河注皆訓迫

燁炊也

燁者左昭三十年傳燁之以薪注燁炊也

資取也

資者攷工記或通四方之珍異以資之注資取也禮記明堂位天下資禮樂焉注資取也

質信也

質者左昭十六年傳與蠻子之無質也注質信也又哀二十年傳先主與吳王有質注質盟信也

餼饋也

餼說文作氣云饋客芻米也从米气聲春秋傳曰齊人來氣諸侯一切經音義引埤蒼餼饋也

憑依也

憑本作馮左哀元年傳馮恃其眾注馮依也國語周語丹朱馮身以儀之注馮依也說文作凭云依几也引書顧命凭玉几

藉借也

藉者左僖二十八年傳藉之告楚注報借齊秦使為宋請孟子滕文公篇助者藉也注藉者借也猶人相借力助之也說文無借字即作藉藉借一字通作籍詩載芟箋籍之言借也借民力為之故謂之籍田

際接也

際者左昭四年傳叔孫為孟鐘曰爾未際注際接也孟未與諸大夫相接見淮南本經訓上際青雲注際接也通作瘳詩苑柳無自瘳焉箋云瘳接也

闕限也

闕者說文云外閉也一切經音義闕郭璞以為古文礙字廣雅礙闕也法言問道篇礙諸以禮樂李軌注礙限廬寄也

廬者說文云寄也秋冬去春夏居詩公劉于時廬旅傳廬寄也

萃集也

萃者詩墓門有鴉萃止傳萃集也左成十六年傳三軍萃於王卒注萃集也

筵倅也

筵者左昭十一年傳使助遠氏之筵注副倅也說文从

艸作薳倅字說文無當爲萃周禮車僕掌戎路之萃廣
車之萃闕車之萃萃車之萃輕車之萃皆謂副貳也

尤怪也

尤者左昭二十一年傳張句尤之注尤怪也

曹慙也

曹者國語晉語荀使君曹注曹慙也

索空也

索者左昭十二年傳入索正義引延篤言張平子說八
索周禮入議之刑索空空設之通作素左傳釋文索本
作素詩伐檀不素餐兮傳素空也

素故也

素者儀禮喪服傳飯素食注素猶故也漢書高帝紀素
易諸吏師古曰素故也

視比也

視者禮記王制天子之卿視伯天子之大夫視子男天
子之元士視附庸注視猶比也左襄二十七年傳視邾
滕注兩事晉楚則貢賦重故欲比小國

徨往也

徨依字當作皇國策以臨彷徨淮南子作方皇荀子禮
論方皇周挾注方皇讀爲仿徨訓爲往者詩信南山先

祖是皇注皇之言往也泮水烝烝皇皇箋皇皇當作睚
睚睚猶往往也

矜惜也

矜者說文矛柄也今借爲憐惜之義詩鴻雁爰及矜人
傳矜憐也呂覽懷寵篇而振恤之注矜恤

狃怵也

狃者詩叔于田將叔無狃傳狃習也箋云狃復也正義
引孫炎爾雅注狃怵前事復爲也左桓十三年傳莫敖
狃於蒲騷之役注狃怵也通作怵後漢書戴就傳怵行
無義注怵怵也猶言慣習

覲望也

覲者左桓二年傳下無覲覲注下不冀望上位
何任也

何擔也已見上文又爲任者釋名擔任也任力所勝也
擔訓任故何亦訓任

御侍也

御者詩六月飲御諸友箋御侍也又行葦授几有緝御
箋同周禮女御注御猶進也侍也禮記曲禮御同於長
者注侍食於長者

殿填也

殿者詩采菽殿天子之邦傳殿鎮也釋文鎮本作填漢書周勃傳擊章邯車騎殿師古曰殿之言填也謂鎮軍後以扞敵

選擇也

選者國語晉語晝選男德注選擇也管子小匡篇馬牛選具注選擇其善者

宣示也

宣者詩鴻雁謂我宣驕傳宣示也左宣九年傳公卿宣淫注宣示也

小爾雅疏證卷二終



書名	小兒猴疏證		
版別	冊數	2	紙
定價	8.00		
編號	字第		号

北京市中国書店定價簽